



REPUBLIKA E SHQIPËRISË
MINISTRIA E EKONOMISË KULTURËS DHE INOVACIONIT
DREJTORIA E PËRGJITHSHME E STANDARDIZIMIT
DREJTORIA E ÇËSHTJEVE LIGJORE DHE MARRËDHËNIEVE ME PALËT

Nr. 206 prot.

Tiranë më 20.05 2025

Lënda: Dërgohet raporti i monitorimit të buxhetit të DPS-së për 4-mujorin e I-rë 2025.

MINISTRISË SË EKONOMISË KULTURËS DHE INOVACIONIT
DREJTORISË SË BUXHETIT DHE RAPORTIMIT FINANCIAR
Tiranë

1. Hyrje, përshkrimi i institucionit

Drejtoria e Përgjithshme e Standardizimit (DPS), si Organi Kombëtar i Standardeve në Shqipëri, është përgjegjës për organizimin dhe zhvillimin e gjithë veprimtarisë kombëtare të standardizimit, me qëllim plotësimin e nevojave të palëve të interesuara për standarde teknike për të gjitha fushat e ekonomisë.

Misioni i punës së veprimtarisë së standardizimit është të sigurojë plotësimin e nevojave të të gjitha palëve të interesuara (industria/biznesi, tregtia, autoritetet publike, ambientalistët, konsumatorët, SME-të, akademia) për standarde teknike bashkëkohore në të gjitha fushat e ekonomisë, në mbështetje të konkurrueshmësisë dhe reduktimit të Barrierave Teknike në Tregti.

Qëllimi është të rrisë nivelin e sigurisë së produkteve dhe proceseve, në mbrojtje të shëndetit e jetës së personave, kafshëve si dhe mjedisit.

Këto janë materializuar edhe ndërmjet qëllimit të programit 04160, i cili është: Mbështetje për mbikqyrjen e tregut, infrastrukturë cilësie dhe pronësi industriale

Për përmbushjen e sa më sipër, objektivat e DPS janë:

- Të përafrojnë legjislacionin kombëtar me legjislacionin evropian dhe rregulloret evropiane të standardizimit (ETSI, CEN&CENELEC) dhe ndërkombëtare (ISO dhe IEC).
- Të zbatojë dhe rishikojë të gjithë paketën ligjore për proceset e integritetit në fushën e standardizimit.
- Të organizojë dhe drejtojë punën për progresin në adaptimin e standardeve evropiane dhe informimin e ndërgjegjësimin e operatorëve ekonomikë dhe palëve të interesuara për rëndësinë e standardeve
- Të mirëadministrojë Sistemin e Menaxhimit të Standardeve (SMS), shitjen e tyre dhe mirëfunksionimin e Autoritetit Kombëtar të Notifikimit dhe Pikës së Referimit në OBТ dhe

CEFTA. Të funksionojnë sa më mirë strukturat e DPS (Bordi Drejtues, Bordi Teknik dhe Komitete Teknike)

Produktet sipas Programit : Mbështetje për mbikqyrjen e tregut, infrastrukturë cilësie dhe pronësi industriale me kod 04160, janë Standarde evropiane dhe ndërkombetare të adoptuara, miratuara si SSH si dhe Shitja e Standardeve.

2. Informacion buxhetor

Në mbështetje të Ligjit nr. 9936, datë 26.06.2008 "Për menaxhimin e sistemit buxhetor në Republikën e Shqipërisë", i ndryshuar, kreut VIII, nenit 65 "Monitorimi", Udhëzimit nr. 9, datë 20.03.2018 "Për procedurat standarde të zbatimit të buxhetit", mbështetur në Ligjin Nr. 115/2024, "Për Buxhetin e Vitit 2025", si dhe në zbatim të Udhëzimit nr. 14, datë 30.05.2023 "Për procedurat standarde të monitorimit të buxhetit në njësitë e Qeverisjes Qëndrore" për periudhën Janar – Prill 2024 janë planifikuar dhe shpenzuar fondet buxhetore.

Tabela 1. Akordimi i fondeve buxhetore për vitin 2025 dhe realizimi Janar- Prill 2025.

Në 000 / lekë

Nr.	EMËRTIMI	PLAN BUXHETI 2025	FAKT PRILL 2025
1	Paga	23,000	7,925
2	Sigurime shoqërore	4,000	1,261
3	Mallra e shërbime të tjera	3,000	758
4	Transferta Korente të Huaja	14,000	8,203
5	Trans per Buxh. Fam. & Individ	605	12
6	Investime		
	Totali	44,605	18,159

Fondi i planifikuar buxhetor për vitin 2025 për DPS është në shumën 44,605 mijë lekë (tabela 1). Referuar shkresës së Ministrisë së Ekonomisë, Kultures dhe Inovacionit, Nr. 16474/3, Date 31.01.2025, "Detajimi i Shpenzimeve Korrente për 2025-2027" dhe shkresës Nr. 16475/2, Date 31.01.2025, "Akordim Fondi i Vecante per vitin 2024".

- Struktura aktuale e DPS e miratuar me urdhrin e Kryeministrit nr. 142 datë 26.09.2023 "Për një ndryshim në urdhrin nr. 182 datë 26.12.2018 "Për miratimin e strukturës dhe të organikës së Drejtorisë së Përgjithshme të Standardizimit" ka të miratuar 15 punonjës dhe të gjitha pozicionet janë të plotësuara.
- Drejtoria e Përgjithshme e Standardizimit, referuar shkresës Nr. 565/1 datë 21.01.2025 "Detajimi i numrit të studenteve të praktikës" në janar 2025 ka lidhur kontratë të përkohshme me 1 punonjës në nivelin - Specialist IV – 3.

3. Performanca me baze gjinore, ne nivel produktit;

DPS në bashkëpunim me organizmat ndërkombëtarë aktivizohet për të rritur vendimmarrjen e grave kryesisht në fushën e standardeve, por nuk bën trajtime me bazë gjinore ndaj dhe nuk mund të bëjë analizë të treguesve gjinorë.

4. Performanca e Buxhetit

Për 4-mujorin e vitit 2025, DPS ka realizuar fondet buxhetore në vlerën **18,159,000** nga **44,605,000** lekë buxheti i vitit 2025, ose 40.7 % të buxhetit vjetor.

Të ardhurat nga shitja e standardeve

Për 4- mujorin e I-rë të vitit 2025 numri i standardeve të shitura është **379** duke realizuar të ardhurat në shumën **762,787** lekë.

Standardet më të shitura per 4 mujorin e pare 2025 i përkasin fushave:

Për periudhen Janar – Prill;

- Analizat e produkteve ushqimore - Materialet në kontakt me ushqimin;
- Cilësia e ujit, ajrit dhe tokës;
- Beton dhe produkte që lidhen me të. Automatizimi, menaxhimi dhe aksesorët në ndërtim.
- Qumësht, mish dhe produktet e tyre Siguria e makinerisë dhe siguria ndaj zjarrit;
- Dokumentacioni dhe informacioni.
- Pajisjet e përdorimit të gazit të lëngët nga nafta

4.1 Performanca jo-financiare

- **Adoptimi i standardeve evropiane e ndërkombëtare si Standarde Shqiptare (SSH)**

Gjatë 4 mujorit të vitit **2025** Janar - Prill janë adoptuar në total **399** standarde dhe dokumente standardizimi si Standarde Shqiptare (SSH) dhe Dokumente Standardizimi Shqiptare (DS) me procedurë të përshpejtuar me kërkesa nga palë të interesuara (biznese, institucione, laboratorë, persona fizikë) të cilat të ndara sipas origjinës së tyre janë si më poshtë:

- **390 standarde me origjinë evropiane CEN;**
- **9 standarde me origjinë ndërkombëtare ISO;**

- Pjesa më e madhe janë standarde me origjinë evropiane, rreth **390** standarde CEN dhe **9** standarde ndërkombëtare ISO;

Disa nga fushat ku Komitetet Teknike kanë pasur numër më të madh adoptimesh në këtë periudhë (Janar- Prill 2025) janë si më poshtë:

- Produktet e Ndërtimit;
- Analizat e produkteve ushqimore;
- Pajisjet Mjekësore;
- Metalet dhe lidhjet e tyre;
- Kimia;
- Tekstilet;
- Sporte dhe sheshet e lojrave;
- Teknologjia e komunikimit dhe informacionit,
- Zbatime në hekurudhë;
- Plastika;
- Siguria teknike dhe mjedisi.
- Qeramika në ndërtim.
- Lënda drusore

Standardet	Realizimi 4 mujori (Janar - Prill 2025)	
CEN/ CENELEC	390+	390 CEN
ISO	9	

Për të njëjtën periudhë janë angazhuar rreth **41** Komitete Teknike në adoptimin e standardeve në të dy sektorët e Drejtorisë së Standardeve CEN/ISO dhe CENELEC/IEC.

Janë realizuar rreth **48** vendime për adoptimin e standardeve evropiane dhe ndërkombëtare me procedurë të përshpejtuar dhe rreth **42** vendime shfuqizimi.

Ju falenderojmë për bashkëpunimin.

